

Novi telekom centar u Doboju

BH Telecom planira, tokom naredne godine, otvoriti više centara u RS od kojih će prvi biti u Derventi

U prisustvu brojnih građana i gostiju BH Telecom je u Doboju otvorio svoj novi, drugi po redu poslije banjalučkog telekom centar u RS, u ulici Svetog Save b. b. U novom centru, površine 53 kvadratna metra u koji je BH Telecom investirao 50.000 maraka, zaposlena su četiri nova radnika s područja RS.

- Za naše pretplatnike ovo će predstavljati jedan novitet u komuniciranju. S obzirom na to da su do sada za mnoge potrebe morali ići u Tešanj, sada će u svom gradu moći naći odgovore na sva pitanja iz segmenta telekomunikacijskih usluga koje im pruža naša korporacija - kazao je Fikret Brdarević, direktor Regionalne direkcije BH Telecoma Zenica.

BH Telecom tokom naredne godine planira otvoriti više novih centara u RS od kojih će prvi biti u Derventi.

Upravnik banjalučkog telekom centra Teufik Kulašić izjavio je da je osnovni cilj BH Telecoma, a samim tim i centra u Doboju, pružanje telekomunikacijskih i usluga, iznajmljivanja telekomunikacijske infrastrukture, u skladu sa međunarodnim i domaćim propisima i standardima.

Prema njegovim riječima, kompanija BH Telecom posluje na teritoriji cijele BiH, a planira da otvori ukupno 55 centara, od kojih 20 u RS.

